

Paerewa Paetae

Aronga	Te Reo Rangatira 1.11		
Ingoa	Te whakaatu i ngā putanga rangahau		
Kaupae	1	Whiwhinga	4
		Aromatawai	Ā-roto
Marau akoranga	Te Marautanga o Aotearoa		
Kokonga akoranga	Te Reo Rangatira		
Mana rēhita	Kua rēhitatia	Te rā i mana ai	12 Hakihea 2013
Te rā e arotakengia ai	31 Hakihea 2016	Te rā i puta ai	12 Hakihea 2013

Te Hononga ki te Marautanga

I ahu mai tēnei paerewa paetae i te Taumata 6 o *Te Marautanga o Aotearoa*, i whakaputaina e Te Pou Taki Kōrero i te tau 2008.

Whāinga Paetae

ā-Waha, Āheinga Reo

2 *Ka whakapuaki whakaaro mō ngā kaupapa, mō ngā ariā matua hoki o aua kaupapa, kia pai ai te whakatakoto tohetohenga, taunakitanga rānei hei whakaū i te whakaaro.*

ā-Tā, Puna Reo

2 *Ka whānui te puna kupu e taea ai te tautoko, te whakawhitiwhiti māramatanga, te whakakotahi hei whakatau, hei whakaiti rānei.*

ā-Tā, Rautaki Reo

3 *Ka whakahiato, ka āta arohaehae i ngā kohinga hei rautaki whakaoti rangahau.*

E hono ana ki te Papa Whakaako mō Te Reo Māori kei te pae ipurangi nei:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>.

Te Hononga ki ngā Tikanga Aromatawai

Kei tēnei pae ipurangi ngā Tikanga Aromatawai mō tēnei paerewa paetae:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>.

Paerewa Paetae

<p>Paetae Te whakaatu i ngā putanga rangahau.</p>	<p>Hei tohu i te paetae:</p> <ul style="list-style-type: none"> • Ka whakamārama i: <ul style="list-style-type: none"> – te kaupapa i kōwhiria – ngā rautaki rangahau i whakamahia – ngā kitenga matua.
<p>Kaiaka He kaiaka te whakaatu i ngā putanga rangahau.</p>	<p>Hei tohu i te kaiaka:</p> <ul style="list-style-type: none"> • Ka whakamārama i: <ul style="list-style-type: none"> – te whaitake o te kaupapa i kōwhiria – ngā whāinga o te mahi rangahau me te tikanga arorau o te tukanga rangahau. • Ka hāngai ngā putanga ki te kaupapa i whakaritea. • Ka hāngai ngā whakataunga ki ngā kitenga. • Ka hāngai te whakaaturanga ki te hunga whakarongo, hunga pānui, hunga mātakitaki rānei.
<p>Kairangi He kairangi te whakaatu i ngā putanga rangahau.</p>	<p>Hei tohu i te kairangi:</p> <ul style="list-style-type: none"> • Ka whaitake te rangahau i te kaupapa. • Ka whakatau tikanga kia ū ngā whakaaro, kia pai te tohe atu, kia pai ai te āta wetewete i ngā whakaaro taupatupatu. • Ka aromātai i ngā putanga me ngā whakatau hei hiki i te kaupapa. • Ka mārama te whakaaturanga ki te hunga whakarongo, hunga pānui, hunga mātakitaki rānei.

Kōrero Āpiti

1 E whai ake nei ko te whakamāramatanga o ngā kupu whaitake, kīanga rānei:

kaupapa whaitake, pātai whaitake	He kaupapa tūturu, he kaupapa whaikiko (he pātai tūturu, he pātai whaikiko rānei), kāore e mōhiotia te whakautu i te tīmatanga o te rangahau, kāore e whakautua ki te 'āe', ki te 'kāo' rānei.
tukanga rangahau	Ko te kohikohi, ko te hopu, ko te tātari i ngā kōrero, ko te whakatau me te whakaatu i ngā kitenga. Kāore e aromatawaihia te taha whakamahere i te mahi rangahau i roto i tēnei paerewa.

2 He whānui ngā momo whakaaturanga ka taea: he kauhau, he tuhinga (pūrongo), he whakaaturanga ataata rānei.

3 I roto i ngā whakaaturanga me puta te reo ataata: he kiriata, he kauwhata, he whakaari, he tūtohi, he whakaahua, he aha atu, he aha atu.

4 Kia whānui ngā huarahi kohikohi kōrero, hopu kōrero hoki: he uiui, he āta mātakitaki, he tiro haere i te ipurangi, he pānui pukapuka, he aha atu, he aha atu.

Kuputaka:

arorau	logical
kitenga	findings
tukanga rangahau	research process

Tātari Kounga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakarite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki 0233